

T 2560, 28/2127, 4(4)

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 31 1940

UNIVERSITY OF TORONTO LIBRARY
1963 XI 1919

鹿山人物傳卷之五

何翻侯

國書館藏

何翻侯字漢功父病癩天乞代兄政撫其從子如已出馬
崇禎三年補諸生試輒高等順治五年年及艾領鄉薦為公
車不第歸嗚然云士大夫居官當有益于官居鄉當有益
于鄉若披鮮衣豐食取便自適安用士大夫為八年大水
民多流亡轉瓦清壑者元集公謀煮粥活之苦不得米乃
草屨徒步五步一拜行募城市人皆感泣相應全活甚眾
論曰鹿山何氏有兩枝貴一後顯自比相伯玉琪枝貴

崑山人物傳卷之五

何鄴侯

何鄴侯字漢功父病顛天乞代兄歿撫其從子如已出焉
崇禎三年補諸生試輒高等順治五年年及艾領鄉薦公
車不第歸喟然云士大夫居官當有益于官居鄉當有益
于鄉若徒鮮衣豐食取便自適安用士大夫為八年大水
民多流亡轉死溝壑者无算公謀煮粥活之苦不得米乃
草屨徒步五步一拜行募城市人皆感泣相應全活甚眾
論曰崑山何氏有兩枝貴一後顯自比部伯玉琪枝貴



三後顯自鹽城諭道亨天衢世次脫畧遂不能合譜公
系與比部差近然已在脫畧中矣嗟乎募米一事厚德
在民而後無興者豈天之未定也耶

李可沂

李可沂字元仗號處厚原名開鄴字賓侯顧宗伯錫疇壻
也好讀書工詩古文詞吐納風流又善鑒別古帖名畫兼
曉音律能度曲崇禎三年補郡諸生十二年領鄉薦順治
初楚蘄顧徵君景星居崑嘗貽公書云宗伯死不愧古人
作狀一事必知之深而感之至又手筆可孤行者則莫如
仁兄弟聞宗伯為太學生時憤朝政之失私作策斷萬言

其間有實實可行者又上書讓某相公相公怒將罪之隻
身遯海外代老頭陀寫經一年乃還官司成侍郎時請漢
中臨清鳳陽荆襄置重兵最後弃妻子入閩死節尤烈皆
不必諱宋史成于脫脫殉節諸臣下至步卒鍼工僧道盡
與表揚不諱也行狀貴掇大節至于制執之擅場居官之
當職俗手必贊者皆可勿贊也昔昌黎得子壻李漢而名
益彰兄宗伯之李漢也兄幸草狀弟當作傳狀如畫之有
朽一落俗手了無生氣矣蓋推重如此十二年成進士授
行人遷比部郎有訐人作詩觸時諱者他司將白堂官移
訊公偶見之云此唐薛逢作曰開元後樂大概言天寶亂

崑山人物傳
後事有何觸忌明日攜唐詩鼓吹同他司言諸堂官許者
得罪先是部放囚糧多雜泥沙至不可食公力為尚書言
改給良米囚得不餒死擢按察司僉事提督湖廣學政既
滿遭內艱服除不復出康熙十年大水出粟千石賑飢者
卒年六十一

論曰李氏自中丞晴原篤信道家說祀唐呂純陽頗著
靈異中丞生編修集虛胤昌編修生三一孟函三一生
公益好長生術距所居里許築精舍奉純陽紺宇絢爛
延羽士呂瑞賓道衡主之有沈生者侍乩傳神仙語寧
都陳某善士有急難可助五百金公即如數畀沈俾轉

授俄而陳謝書至公大喜及沈死家人發其篋得所偽
為陳書草并諸欺給事盡敗露公畧不為意求神仙倍
虔其任真樂易無機械于中可想見矣公有兄可衛字
爾公亦坦直或面折人過事已輒忘能詩文與復社晚
通青烏術

盛符升

盛符升字珍示號誠齋幼穎敏崇禎三年補諸生先後問
業于張庶常溥夏考功允彛徐學士沂學有根柢黃岡萬
曰吉令崑每咨之順治十七年新城王司寇士禎以揚州
司李充鄉試同考官公出其門益殫究詩學是歲遇萬氏

僕于金陵知故令被禍時其夫人解戶部至是發遣回南
漂泊無依遂載歸賃居東城尼菴歲時供億措辦罔缺康
熙二年萬夫人歿公復命其僕扶令柩來崑合瘞北門外
為輸糧而勤展祀焉三年舉進士十年以夏考功馬鬣未
封後裔湮滅偕李學使可沂往葬其一門十五年授內閣
中書舍人二十一年^遷膳部二十七年視贛關明年復命
夏擢御史上疏云刑獄世輕世重貴因時以制宜而律主
之例附之取其相從而類貫也皇上恐正律之外條例過
嚴特諭刑部會同九卿科道詳加酌議刊為刑部現行則
例伏查則例所載如六部職制等目依律編次皆可分入

各條并載正律之內所當通行補緝彙為全書者也至若
大清律一書國初纂修康熙九年僅加翻譯故有仍襲舊
文而于本朝法制絕不相蒙者如郡王將軍中尉親自赴
京者罪如京操官輪操軍失于赴京者罪如近京民戶孳
生牧養如校尉緝事察訪京城皆屬前代弊政久革不行
如安樂自在等州非現在流犯之地如炒鐵運磚等事非
現在徒犯之役如吏典犯辟長官處決然後報部如在京
軍民犯杖軍發別衛民發別郡如詭寄田地全家抄沒如
誤傷致死責賠一人其類尚多不可枚舉現今明載律中
實非通行令甲所當刪定改正以成善本者也乞特頒諭

旨令三法司諸臣會同詳核將律例之分列者合之新舊
之不符者通之輕重之可疑者酌之刊刻定本頒示中外
永行遵守則一代之大法立矣是冬罷歸三十八年上南
巡公獻三京賦三駕平朔賦會同館賦越一日有年登大
臺御書之賜三十九年春舉鄉飲大賓冬十一月卒得年
八十六

論曰東撫錢珏據公書上聞致郭副相去官趙高鹿馬
皆譴死公亦罷斥遂啓鄙薄漢臣之漸顧公貽書時詎
料及此公詩有云從教友道虧臣道莫信金蘭事可傳
蓋亦已自咎矣若其敦篤于故舊淹博于問學或不容

一槩抹煞為條舉之令後生勿輕議前輩也

王志守

王志守字玄徹號銀濤崇禎三年補諸生十二年領鄉薦
性極廉介授巢縣教諭課士敦實行齋厨蕭然歲餘謝事
巢士饋遺者甚眾堅辭不受既歸究心禪宗有省卒年七
十五弟浦珍原名志宓字玄璣號佩虔崇禎間補長洲諸
生有聲失怙後不復求仕進或勸之歎云雞豚弗逮存萬
鍾奚為也教授諸子有方元臣成進士諭以厚卹族姓毋
秦越視肥瘠晚亦好浮屠家言卒年七十八

論曰兩公竭誠事親體志供養又相友愛勸食加絮日

喁喁不已敦本之風為世所僅見而以餘力肆于文詞
煥然可觀與前母兄三人並稱五俊焉三人者玄度名
志宏萬曆四十六年鄉貢教諭德清長身飄鬚望若神
仙為人坦而善持高不逼物不輕一介而可容萬物玄
爽名志密諸生廣額通眉言如奏雅為人簡而不叻直
而不犯誨人不苟隱與人不苟親玄夙名志審亦諸生
短小雋秀妙有翦截為人矜而不爭智而有則推心與
人人亦任之一恒與物無我一恒息事退藏一恒攬察
理要各與其命名近蓋朱節孝所稱者如此而三先生
即世時谷菴咸亨尚無恙也藉無兩公誰為收子哉

徐開任

徐開任字季重號愚谷先孺人季父也初受業于胡廣信
落筆務為奇古崇禎四年補諸生十三年游南雍諸名彥
皆樂與交避地婁東距吳祭酒居相近唱酬切劘錢虞山
亟稱之鼎革後絕意試事買李氏荒莊名曰果園為終老
計益放力于詩朱長孺稱其原本少陵深情至性激發而
出使讀者留連往復不能自已今錄未刻詩十二章初冬
雨後集小有堂分韻云節序驚看好景斜陰雲不散雨如
麻相攜菊酒同元亮共歎江山似永嘉結伴荷衣歸勝地
隔林楓葉指僧家但能長聚如今日豈恨流年鬢有華婁

東許九日至半規園諸同人賦贈云梅花帶雨正飛飛三
十年來尚布衣世路久經甘苦盡知交盡老往還稀目窮
天地有盈縮心到溪山無是非雄長詞壇誰不羨一尊相
勸莫言歸輓錢虞山和韻云覆雨番雲四十春莫年空自
歎沈淪是非難免陽秋筆放棄誰稱散誕人蹈海魯連終
惜死入宮西子又爭顰平生牛李徒分袒清濁原來不易
論蓋世才名冠玉堂驂騑一顧重孫陽三朝黨禍清流烈
五夜炎威舊史亡曲筆猶能翻地軸鴻文直可破天荒遙
知世事滄桑變何必紛紛較短長投閣當年惜子雲貢符
異日用誰文三君舊侶爭投分五鬼新知獨敗羣賀表修

來仍見弃刑書挂後竟無聞江東伊尹今何在始信空言
異立勲風雅誰能望後塵不才也辱荷鴻鈞審言豈意逢
師曠知己何當遇范逵敢借微辭彰直道聊將挽韻寫生
神多君猶勝黃門惠不向咸陽媚賊親贈徐昭法云高卧
繩牀望遠天不衫不履獨踟躕久尋角里先生侶恥與扶
風豪士筵自愛名山耽著述相期真氣到林泉年年春草
池塘綠不見王孫萬里還贈吳漢槎自塞外歸云傷心莫
問窮邊事能使烏頭白自驚敢幸玉關生得入深知鐵骨
鍊方成年逾蘇武吞毡久志感燕丹雨粟誠漫道今人徒
慕古漢廷誰重史遷名又和健菴韻贈漢槎云翩翩畫舫

入吳關始信人間似夢間眼內盡看涼煖態燈前仍慰別
離顏已蒙獻賦甘泉賞終藉輸金少府還誰道故知能薦
達蛾眉猶帶泪潺湲徵書一紙下賢關若輩逢時指顧間
失意祇應存傲骨求知不屑獻奴顏捐金昔恨行秦間懷
璧今欣自趙還每過長橋停棹處驚魂無暇聽潺湲無題
云聞說厓山破占城尚有人一絲終繫漢三戶足亡秦不
信田橫客還稱突厥臣祥興今絕筆誰念舊君臣仁大澤龍
蛇盡金枝花萼摧誰邀廝養卒為御乘輿回徐福無仙骨
臣佗少吏才背城堪一戰猶足起寒灰尤專史學本朱子
義例葺明名臣言行錄九十五卷前半則增損于葉鈞元

徐東湖之書中葉以後則徧采國史野乘手自編次閔政
治之情竅也先事業而次理學閔風俗之諂諛也先氣節
而後文章論宰臣以永嘉江陵為救時之賢相論武功以
文成定襄為再造之功臣每歎云六經之有春秋猶法律
之有斷制也春秋微則法律亡人心寧有救乎又云吾之
于古人平心以察之精氣以迎之期得其好惡而已故侃
侃確持所見不為旁撓有私屬先世公卿者必分別告以
某事見何疏某事見何書某可某必不可嘗載及三王並
封事辭頗峻政府後人之顯者屢囑削去願以百金助梓
費謝弗應姚江黃藜洲云近時偽書流行聊舉一二如甲

崑山人物傳
申之死雜以俘戮逆奄之難雜以牖死楊嗣昌喪師辱國
冬青詩頌其功勞洪承疇結怨秦人綏寇記張其捷伐高
官美謚子姓私加野抄地志纖兒信筆此錄出庶幾收廓
清之功蓋得其槩矣又有六經通論八十卷歲舉鄉飲禮
屈指公齒德邑令前後凡三請終謝卻乙亥卒年八十五
論曰當公之時羣從門第聲華甲天下而公能澹泊如
寒素年雖耄潔己好修始終不渝固古逸民歟其錄鄉
先正言行不及顧文康謹嚴蓋在張孝敏人物傳上惜
續錄未成耳公嘗寓書監修明史者云漢賞季布封雍
齒唐贈堯君素明褒福壽余闕皆所以立千古忠孝之

大綱聖朝褒忠表節言無忌諱兼采天南遺事甚盛舉
也立言類如此世或疑公以意遺顧宗伯者豈其然乎

陳祈年

陳祈年字肅公號澹齋崇禎五年十五補諸生順治十一
年試第一授龔刻意向學雖嚴寒酷暑未嘗少懈作文喜
用史遷筆法所著有龍門一滴又篤信佛乘初屏酒肉旋
茹淡最後并絕菜蔬瓜果惟穀食刺舌本血手書華嚴彌
陀等經康熙二年謝舉業猶未杖家也弟說行字傳公號
築菴亦曾補嘉定諸生國變弃去

論曰明世廟時公會祖東溪汝和自四時遷崑山隱居

教授工詩文邑人若不知其有長子光祿丞賈荆襄間也祖雲卿夢龍父服一一中三傳至公皆讀書敦行可謂弗墮家聲者嘗見公所評伍子胥列傳句櫛字比搜剔無遺蘊惜全本散佚矣天地間必傳之物而竟不傳者詎少乎哉

夏玄圭

夏玄圭字景初號玉延六世祖存賢佑曾授臨海丞蹶不復振顧為胡忠安澹所薦辟在都下與弟儀部存良遂齊名佑生問問生木木生烝烝生成棻成棻生青巖暉公之父也以孝稱而公事青巖亦循循色養青巖或不悅舉家

如聞震雷俟顏色和霽乃安友愛其弟玄璧同居至老無間言有夏茂長者實丘姓厥祖壻于夏依傍成立冒姓二世茂長又賴公扶植積有田產老無嗣公諭使歸宗立後時翕然稱盛德焉又耿直鄉黨是非不少假借一世族子贅顯宦家盡析父產于諸弟公聞登堂跪拜其夫婦曹鹿野玠幕郡歸厚嫁兄女亦往跪拜蓋揚善以勵俗若此公于崇禎六年曾補諸生世變謝去優游怡愉樂天无悶舉鄉飲大賓康熙十七年卒年八十九

論曰公為先奉常總角交奉常歸田後晨夕晤對者公與鮑彥卿周旭初三人而已公好徵說往昔疊疊忘倦

又嗜奕或竟日夜不知鮑周兩翁亦有此逸興否公之
子孫賢故公生平獨昭然在人耳目間固通家後學所
樂為稱述者乎

張立昌

張立昌字聖丹號如齋昌樂令魯得幼子性端重貌奇偉
介介不隨時俗崇禎六年補諸生乙酉謝去與歸鐵虎莊
相攜山水間賦詩飲酒興致陶然未嘗至醉或餽金求片
言之榮夷然不屑每遇少年則示以格言有疑問剖晰必
詳也昌樂著周易成義未就竟公續之制舉家頗推重焉
論曰公好學深思嘗質疑于所知云通鑑漢高元年乙

未至武帝太初元年相去百又三年為丁丑以史記十
二諸侯年表六國表考之皆合若據曆書元封六年詔
以七年為太初元年年名焉逢攝提格則不合矣太初
元年為甲寅則漢高元年當為壬申史記出于太史公
一手以理言之似當以曆書為信蓋太^天文律曆太史所
掌宜无憑臆傳會之誤又其受禍在天漢二年歷官正
在元封太初間亦無傳聞異詞之失然苟謂作通鑑者
未之或考則自宋代逆數即周秦以前皆可歷歷不爽
而况漢乎且通鑑特祖左氏春秋為編年之史則干支
互異是其大綱豈容于曆書所載疏畧如此不可解也

朱孝定每服公讀史精詳余故特筆之俟博洽者折衷焉

朱 高

朱高原名是字去非號灝一衢州推官顯宗從子也父繼生紹宗母龔公天資穎異復自力于學崇禎六年補諸生十五年試第三授饒乙酉城潰負父母泗水避難他無所顧竟盡失其室中物又贖舅之子以延外王父祀康熙元年恩貢廷試第二在雍中張幹臣貞生極賞之部考州佐不謁選惟造就後進敦厲風教門人多顯者未嘗挾藉年踰八十必躬上祖先正隴匍匐拜奠見族之行尊者即在

髻稚命坐乃坐命退乃退不以齒長廢禮焉

葛 鏊

葛鏊字稚堅崇禎九年補郡諸生乙酉城潰隨父朗玉錫琬匿後園草莽中兵衝入搜索獲朗玉朗玉狂呼公憤思救父從草間奮然躍出云此是我父切莫害兵云有金銀則不殺公疾應云有引至梅樹下以所瘞六百金與之兵感其意為守門三晝夜全家六十口無損公後以康熙元年歲貢

論曰稚堅集太上感應篇廣疏法華感通錄屬王原達瀚作序刻板流通而有以二氏語灝一者輒云吾懼一

家人做不了耳趨向似異乃萬死一生中脫親之厄不知有身安知有身外之物此心同此理同可貫天地而泣鬼神矣學者務敦實行毋徒依附門庭出主入奴爭勝齒牙間也

徐與喬

徐與喬字揚貢號退山然齋開煒長子也肆力經史古文辭每讀一書手自勘讎朱黃鈎貫刊落繁蕪獨存精液下逮方言物考音義章句無不通以訓詁參以稗家絲分縷析而後止下筆纒纒千言立就崇禎八年補郡諸生旋授饒順治十四年領鄉薦赴都覆試擢第八十八年成進士

將授官江南逋糧獄起吏誤入公名籍中坐罷選公歸奉老母恬然也已而同事獲譴之人稍稍湔雪相次登用公獨不自辯復若恐一日徵書在門奪其膝下之色養者康熙十七年丁內艱服闋喟然云吾今可仕顧年老無足備國家驅馳惟古立言士發明聖賢底蘊啓牖後人嘉惠無窮此則伏處所優為乃有初學辨體一書執林傳誦羸糧負笈于門者趾相錯公雖老誨弗倦也嘗謂佛氏果報之說已顯于儒禹治水夏之王報之稷粒民周之王報之契教人倫功最大湯孫之報未盡復以孔子之素王報之俎豆萬世至益之掌火豈曰無功而傷殘已甚故其後為秦

眾皆歎服三十年卒年七十三

論曰國初時公與張圻邑翼葛煬竝調陳留天侯結社里中所謂邑竝揚天者是也惟公得第而終不振文章憎命達殆信然矣公游金陵邂逅石門呂用晦公為言歸太僕子孫欲妄刻太僕集忽見夢厲訶謂毋壞吾文後將有識者為之用晦遂貽公詩云秦淮連臂蹋銅鞮倚檻論文飲似泥白髮尊前何恨晚青峯江上盡情低古人詞板死猶惜後世旗亭醉便題歸理舊經還歷歷枕邊一夜子規啼用晦生平極慎許可乃傾折于公如此哉

張圻

張圻字邑翼號白源曾祖象卿世賢祖秉伯廷樞父光甫元燦三世積學然無一椽寸土之遺公于飢寒困苦中奮勵讀書克承先緒崇禎八年補郡諸生旋授籛聚徒講學門下多令器又究心瞿李宗旨康熙五年得玄訣于詹怡陽守椿廿二年謁匡雲上人盤桓竹篔子話于一喝下有省閱五載受付囑後復得孫清熙授之三十七年五月十四日作辭世偈卒年八十七所著有虛隱樓文集學仕要箴感應篇合註珠口真機又曾刪訂周鶴臞唱道真言論曰公性廉而巽無猥瑣鄙屑之態亦無奢侈傲忽之

嶺山人物傳
愆自幼至老未嘗名挂公庭而里中諸善事則力行不
怠庚戌大祲與夏天全先從祖良齋輩舉同善會周貧
戶五百餘眾故三舉鄉飲賓邑人士皆謂有光鉅典焉
晚年養靜居虛隱樓西谿先生少曾學于公往探之公
語云虛靈不昧乃直截根源語西谿云師近日觀為仰
語句乎虛靈不昧猶屬信位非入位也公沈吟良久云
子意如何西谿云杲日當空尚須停燈以待乎公怡然
以解又一日偶論繫辭傳精氣為物游魂為變因及內
典西谿遂以陰識七日死生變化之義歷歷披陳之公
離席起拜蓋樂道忘分也如此

柴永清

柴永清字集勳先世自應天府尹德美奇與弟太同登進
士遂為巨族奇生虞疇郊贈光祿寺署丞郊生子熙輔喆
兩浙鹽運司判官輔喆生欽甫堯年同安知縣改常州教
授遷南國子監助教堯年生伯衡汝益柳州府通判汝益
生休徵胤祥熟里中軼事在客座述先賢遺行譜牒及宮
室街術皆有條貫可聽胤祥生公少精敏好學鏃礪備至
篝燈夜讀雞晨鳴不已于古人之文喜國策韓非史記諸
書回環吟諷聲琅琅達戶外故所作高朗英博纒纒千言
讀者僉謂于諸書果能神而明之也為人至性絕俗居母

朱喪日夜為嬰兒啼三年之內不入房帷侍休徵棗粟糗
糗手自提攜父子時時相枕藉卧中裙廁踰常自洗濯不
厭女兄弟五六人少者皆公嫁之傾其囊橐不能嫁者養
之終身敦倫篤行如此崇禎八年補諸生名籍甚長吏蒞
吳者平湖倪長圩寧波錢肅樂黃州萬曰吉皆傾心延納
四方知交若侯銀臺峒曾夏考功允彛徐學士沂張儀部
采周儀部鑣皆折節引重相得極歡其在同邑顧宗伯為
休徵中表兄弟尤親厚之公亦慨然任事如練兵清糧省
訟詰奸言無不盡然別白太過所善或強睚就遇不可其
意立見顏色故愛公者交譽公而不知公者則目為深中

多數不可久處矣年三十九卒

論曰公初為制執縱橫浩淼端倪莫測既而悔之沈潛
于唐應德歸熙甫諸先正文引繩削墨務合矩度而廉
桀精悍之氣隱映行墨間弘光時吾邑有十六子之目
公其一也鼎革後公仰承父命不廢試遂以起衰自任
結及菴社啓迪後進乃竟先其父逝矣餘十五人死于
桑海者五曰陶圭禔琰朱以發集璜顧流玉晉瓚周上
蓮錫先舅氏徐氏則履慎省親浙中遇盜死者一曰先
族祖水修奕荃藏匿起義故人株連逮死者二顧大鴻
天達仲熊天遴隱者四曰諸子如永明葉岳心弘儒葛

瑞五雲芝歸玄恭莊仍應舉成進士者三曰盛侍御珍
示符升李提學元仗可沂先從祖集僉嶠初方恒惟公
不及顯亦不在隱悲夫

顧升輔

顧升輔字伊仲號念菴六世祖為文康鼎臣鼎臣生鄉貢
履方履方生謙益謙益生治中咸和咸和生震寰震寰生
晉琦晉瑛公之本生父及嗣父也公幼失怙恃育于嗣母
潘十歲依外家許氏刻勵讀書崇禎十年補諸生族父宗
伯器之乙酉後隱居教授間事篆刻嗣母歿粥產營葬哀
輯世德錄修纂宗譜孜孜罔倦有僕人之壻以白金夜投

堅拒弗納聞談人過輒掩耳避走舉鄉飲賓年八十七卒

楊起虬

楊起虬字雲翔號潛叟蘭溪訓導德檢謹五世孫也以合
德際春次子嗣衡字明盛賴嗣母黃撫育成立公舉止端
方不苟言笑必信必果雖酷暑未嘗裸體崇禎十三年補
諸生康熙十五年謝試事吟詩寫竹聊以自娛舉鄉飲賓
配黃即嗣母姪女相莊四十五年曾無交謫亦可觀厥刑
矣年八十二卒

歸子裕

歸子裕字元祉又字孝寬太僕族子其先世皆習賈至公

始業儒敦孝友與人交專任樸誠毫無矯飾居邑迎薰門
外鄰里婦稚皆知其為長者初試童子科輒不利益銳志
于學族兄子成延至管涇訓其子綸授經之暇攻舉子業
嚴自刻勵晝夜罔輟子成五更起見書館中燈火熒熒誦
聲朗徹遙呼云吾弟起何早乎不知公尚未寢也崇禎十
五年公年近四十始補諸生綸時亦列太倉州庠乙酉後
公隱居教授非其力不食兩舉鄉飲賓配陳亦勤苦操作
有少君孟光風年至七十餘卒

論曰世風日下勢利相矜鮮不以恬淡醇謹為迂者三
先生乃能自好不欺其志蓋在善人有恒間也歸顧晚

列賓筵或謂其門人輩為之而殊乖夫謝去儒冠之初
心矣

潘 澂

潘澂字弱水其先浙之紹興人父攜來崑少攻儒見鄰翁
杜文周畫喜而從之不數月出杜上師法黃大痴沈石田
當酒酣放歌潑墨淋漓得意處幾于亂真崇禎末與歸文
休昌世許滄溟夢龍沈開子石張士美櫛桂孟華琳張子
柳檉張炳南宿徐孟碩開晉顧伯厚弘許瑞玉瓌龔慧生
定姚玄暉曦凡十有三人結畫社各肖其像題曰玉山高
隱玉鄉貢志慶為之序又嘗作嚴寒集霰圖枯林澹山平

湖一人擁衲坐舟中如寒鷓一童子俯首打槳楚蘄顧徵君景星謂是工神不工似者然負氣誼不屑屑以畫求利見不義者目眦盡裂輒謂苦無力治之呂學博兆龍呼優人演劇尊經閣後縛木為樓臺結綺羅環數十座公夜約同志持火炬焚燒立盡守臺者問為誰曰我潘痴也自後遂羣稱為潘痴順治十一年赴季給諫開生招明年秋給諫言買女事忤旨譴戍遼左親朋皆散去公獨攜襆被追隨戍所迨海鹽陳公之遘亦以譴至公云給諫今有友毋庸某居此矣乃南還畫益奇放求者踵相接公亦自謂從冰山雪窖中來筆下似有神助遂向人誦給諫幽州雪詩

云蒺藜原上野煙賒回首并州不見家飛馬山前沽酪乳朔風吹雨作冰花顏色淒然十六年里人葬故令郭貞惠于山麓推公經紀其事忽疽發背死

論曰藝術之家研精覈能老子日月一木一石千杵萬煨以就其業不似浮浪功名俛得俛敗不可傳述也然而能畫者多矣若公獨往之氣足使懦立而薄敦即無畫固自不朽耳有陸天浥敦者上海人恬淡好古畫亦絕去纖穠獨標高雅嘗游山左擔糧半月摹太山圖歸與先文敏善聞訃後寓居寒舍六年坐卧一小樓邑中縉紳折柬招飲輒不赴乞畫亦不可得殆與公後先頡

崑山人物傳
九
頑也夫

李稷臣

李稷臣字粒民號鹿園一姓魏六世祖郡醫學正仲文璧即恭簡之從父璧生光祿寺典簿子秀庠庠生鄉貢溫甫希直希直二子長履叔尚賢次三峩大昌皆鄉貢大昌生範吾穀為尚賢後穀生安仁令子韶肇曾肇曾生公崇禎十一年補諸生有聲順治末賦冊註誤授徒給朝夕澹如也善古文詞記宋龍溪事云宋龍溪者河南歸德人長不滿四尺而貌甚奇古頗知人禍福常自菽匿不求人知張獻忠求得之使筮第語之曰上帝好生毋嗜殺則天佑之

矣復出其麾下三十人使筮獨指李自成曰此子差可就自成是時在諸人下年甚少私獨喜陰自結于龍溪密叩之龍溪曰若主必敗若第反其所為則善矣已而闖賊日熾念龍溪復羅致之問曰吾入秦事遂成耶龍溪曰子勿行行當損一目時士馬已戒闖惡其不祥且阻軍心也怒弗聽放還山龍溪既去益深自藏晦隱于山中自成至陝果中矢喪一目敗歸始以為神徧跡不得令居民搜執隱不報者焚其山于是眾勸出之闖爭禮焉號為軍師所言多從勢益大謀襲燕都龍溪曰天時未至君第當稱制一方耳不聽圍遂合又使筮曰城可破不能有也十九日有

小山人物傳
九
小雨此城破之兆時甲申三月十八日也至十九日果雨
城破自成于十八之夜詐言營中火起盡殺其同起事者
十八人此十八人者故與闖賊等夸皆有夥哉涉涉之態
恐其入而難制故一夕殲焉龍溪歎曰人言免盡狗烹今
甫創業而自相戕滅孺子真不足與謀遂求去自成曲留
之曰方與子共富貴何去也龍溪曰稱帝非分也子以清
君側而來若翦除故主吾屬無類矣闖啖以王爵竟不辭
而去及闖敗如龍溪言皇朝掃逆高龍溪之為人物色得
之至京師令陞見竟不赴賜第內城中諸王大臣多崇禮
之勸令薙髮不肯乃醉而削之以復于上上大喜賜貂裘

帽意必朝見謝恩而龍溪竟于私第中叩首且曰方外臣
足蹒跚不足令天子見也竟不赴闕上屈意優容之月給
俸錢賜莊田以代祿焉至死不受爵其將入都門也聚生
平所授異書悉焚之獨留三卷書竟不知為何術也余嘗
館宋氏三月其子賓王從余受易于是龍溪沒矣願一觀
之其內子祕不肯出語其子曰汝師明于六壬汝父書亦
此類也今宋生沒于陣此書不知入誰人之手惜哉其家
祀龍溪遺像于室時作聲响家有事必先夢示兆蓋沒而
猶神云書歐陽修菱溪石記後云余弱冠游婁東猶及見
琅邪弇山園奇石笏立玲瓏嵌空不可名狀及歸讀弇園

記欣然神往蓋彷彿十三四也不十年間毀斥殆盡所謂
飛來縹緲諸峯無一存者問之其旁曰噫售去矣石之小
者移置他氏園亭其大且不可壘者率計輕重低昂其值
載而去諸峯奇絕者半入窰丁烈焰中矣嗟乎弇州先生
以文章名世父兄子弟位望冠絕歿不數十年而弇山之
石化為灰燼彼劉金者又何足道哉獨恠弇山後人峩峩
未謝不至若劉金子孫散為編氓也憑弔故園僅見荒煙
蔓草為狸豕突之場其石存者特窰人所不收耳欲求
所謂菱溪之畔偃然僵卧者尚可得哉然則劉金之子孫
猶為賢矣歐陽公蓋知道者曳置滁郡可為好事復刻此

記戒人采取用意若斯其勤也嗟乎平泉草木之戒不能
得之于其子孫公嘗歎以為愚乃欲以區區一記令此石
永存何耶若謂文章之力果足禦頑則文饒之戒未為失
而弇園之記亦有功于今日矣雖然此記傳則菱溪之石
亦以永傳亦菱溪石之一幸也

論曰公學于葵園能得其傳顧詩文多不留稿隨手散
失此僅見其率意酬應之作遂謂足以盡公殊不然耳
交友亦篤摯鄞縣張月鹿應宿英多磊落負氣誼不苟
然諾以三式學游江淮南北偶來崑山寓景德寺公喜
而傳其學張遂移寓恭簡祠旁病卒公庀治喪事真有

于我殞之意朱孝定極稱之

何執善

何執善字言服號畏菴祖上舍汝恒道貞父里選幼琛璋
枝公事親服勞奉養極盡誠敬雖隆冬盛暑必肅衣冠侍
閨門之內秩秩如也讀書原本六經而發揮于舉業旁及
詩古文辭崇禎十一年補嘉定諸生試輒冠軍遂授餼尤
見重于張能鱗當試公坐東廡午後斜日侵張命役擁大
蓋于公旁俟藝畢乃去見者歎為異事焉尋以親老數奇
鬱鬱得病康熙二年卒卒之夕幼琛已病風暈卧牀久忽
謂侍者云噫吾子殆哉曩見角巾素袍而立吾前者非其

神耶言未既公訃至矣年四十有三從兄際雍熙亦曾補
邑諸生獎舉德行

朱 謙

朱謙字令蓉高祖應天府丞加禮部侍郎子謙隆禧曾祖
敬叔世忠祖廣昌令時瑞應麟父開封推官匡叔國輔公
少有文譽崇禎十六年補諸生痛父及生母蕭死難事嫡
母徐惟謹自謂家貧無可娛親欲以文章致身通顯居常
刻苦于學問嘗與同學十數人較藝一室皆恣意歡笑公
獨屏氣斂息文未成不出一語或叩其故則云吾親老矣
將謀一日之養不敢不盡力于此故所為制藝特工學使

者校士輒置高等遂授龢及省試五被落眾為扼腕公志益奮不少懈順治十八年以賦冊註誤黜籍復遭嫡母喪遂抑鬱發病死年僅三十八先文敏獨賞集選公詩二章雙鴿云雙鴿來何處風前振羽翰咏分香粒飽巢近繡龕安海燕驚秋去宮鴉帶日寒穩棲誰似汝長此伴雕闌澆郭貞惠先生墓云一勺明漿酌墓田桐鄉父老盡潛然生前識得清如水莫向蒼蒼化紙錢兄心水湛亦以文名尤長駢體

論曰自朝廷以制科取士士爭欲奮出乎其間而通塞有數不可強致負才蘊異不遇死者何限獨兩公乎哉

顧兩公者苟非急于祿養雖伏處牖下猶可時命相寬解死或未必若是之促也其孝思亦足悲矣

夏均

夏均字秉卿號天全性純孝母陸疾刲左股療之崇禎十三年補諸生周武鎬京吳同初其沆亟稱其才順治末賦冊註誤斥去畧不介意博獵羣書尤深于邵子皇極經世之學焉與同志創立同善會募建育嬰堂行之二十載無倦色也又曾遇異人授養延年術晚參禪謁雪峯俊公付偈云玉峯有个赤稍鱗徹底無依解轉身獨是山僧手段辣白棒當頭不近情拶得上天無路走變作操戈入室人

入室操戈行正令操戈入室累兒孫從今一片紅爐雪許
拈天下任橫行復從槃巖黃公授戒康熙廿六年正月廿
二日端坐逝年六十七

論曰會稽名族饒人物即如青巖玉延遜舉學積行助
鄉黨共推俯仰其間亦甚難稱矣而公承之啟之道無
弗盡四世如一人三傳如一日夫是之謂故家也公所
居在鬻序左乃宋時王氏逸野堂明林參政鍾得之授
堦夏元為公八世祖歷今幾四百年弗易主固綿延于
賢者之相繼乎哉

張守禮

張守禮業醫家貧有至性父年七十疾革割左股和湯以
進為侍者所覺竟不起痛哭欲絕母病痢劇復割右股和
湯藥跪進痢立止三日後母憶前藥有異覺之守禮愀然
云噫吾母壽止增三歲耳順治十二年秋其母歿距割股
時果三年邑令旌其門曰誠孝格天

鄭燾

鄭燾字襟海性至孝母病割股以瘳晨昏奉養靡怠一生
捐介不苟取與潛修郊外足跡罕至城市即子姓非春秋
祭掃不得亟晤也閭里稱其篤行舉鄉飲大賓

高馬

高馬淞南王巷農家子天性純孝父疾割左臂肉進母疾
割右臂肉進血濺地弗顧也未幾父母復疾兩臂創處未
愈乃割兩股肉進父母歿號慟幾絕遇天陰雨剝肉隱痛
輒泫然云刀痕猶新吾親何在聞者悲之又有百美橋沈
培卿廷璋平橋王仲祥暨其從子開先皆曾割股療母
論曰宋儒謂割股廬墓皆為人之學此慨夫求知于世
者耳非通論也當親疾瀕殆愛慕迫切計無復之乃出
于此或至誠所感猝見效驗夫豈子肉之為物載在方
書可療親疾而詭與激者得襲之也哉

朱良

朱良號修止少嬰日疾失明矣向空而祝願復明以力學
祝已就枕忽見隙中光射入暗自驚異遂為浮屠剃度于
頂目受戒于三昧篤志修淨土早夜持佛號輪珠迴環綿
密無間如是者有年一日卧起下牀立方繫帶頃忽有省
自是取經論閱之亦如向者之盲而忽睹也其後在半夜
時嘿持六字忽聞雞鳴聲復豁然大省汰僧令下曾改裝
一榻一几一瓦爐蕭然一室後仍住東小菴康熙二十八
年三月卧疾或高龕棺所宜及入塔事則云生者隨便行
之我不與焉二十五日菴眾就榻前誦彌陀經命去魚低
聲勿鬧我聽既畢呼侍者扶起未及正坐含笑而逝

王立德

王立德字鄰必一字孟鄰號松濤又號律菴其先世可考者始自漳浦令勉學毅毅生侃侃生宗升宗升生理之綸工篆隸楷書居南郭湓瀆里種竹數十竿題曰君子林綸生震發鴻羽方奉常極稱之錢虞山至以百金購其遺集鴻羽生土配陸烈婦土嗣世臣世臣生松野應徵應徵生冲斗拱宿改名養賢善畫公之父也公端方言動不苟少時曾嚴拒奔女一生勤于教授著四書宗註多所造就又力行善事聞鄰人將粥妻贈以銀米俾完好如初有遠戚掠常熟一室女載至嘉欲販去公痛詈其人而訪女家還

之晚歲堅修淨土康熙三十七年十一月有微疾徧辭戚友或問何時答云十七彌陀誕也當以是日及期周夢顏往省言笑自若周別去少頃復往則已念佛化矣年八十三子襄臣名時中與婦汪皆以孝稱

蘇起鳳

蘇起鳳字岐山號會機三歲失怙歷盡艱辛甫成童能經營養母聞父曾發出家願而不果欲繼其志以單丁中止弱冠即徧參善知識諸方結制輒裹糧從至老不倦又謂十法界以淨土為第一修持精進康熙三十七年十一月語家人云二十八日子時我辭世矣至期果整衣端坐合

掌念佛含笑而逝年八十

邢友鄴

邢友鄴字紫賓號半芋父仰谷勻以警故習易卜直而多
驗順治元^九年元夕坐卜肆邑人士往還燈市者更僕入肆
言論無倦容厥明飲啗如常午餘坐脫去年六十四公初
攻舉子業不得志乃學父卜篤信禪學與夏天全均王易
居晨為淨侶曾參雪峯俊公康熙三十七年十一月二十
九日晨起呼其子取襪云將往其子不喻對云天尚早公
曰往則往矣何早晚乎坐牀上穿襪畢兩足纔踏地逝矣
論曰淨土法門出生死海之捷徑也吾人果能具大忍

力游戲生死不妨異類中行聖凡莫測如其未然可謂
淨土為不足修自誤慧命耶吾邑往生淨土之人向聞
有周軼生沈木匠惜其事跡不可得而詳矣四公生平
幸備聞之視夫未具忍力向三界生死海中頭出頭沒
者為何如也又景德寺慶雲房僧空林號馥菴俗姓朱
年二十五往天童密雲會下掌書記久之大有了悟一
聲寶磬滿室青蓮覺得無有着處密老付拂不受云此
徒然耳陶仁節稱其淳樸有道氣太倉張儀部亦敬之
法臘七十五順治中坐化于四明山

顧班爵

顧班爵字爾張號翼齋父延之孝延頗饒厚兄清弼俠游
破家公亦遂貧崇禎十五年補諸生授徒自給無幾微芥
蒂于其兄也僕江桂負貲已多臨死願以息女償公仍與
溫飽家為媳藉其財厚桂棺殮年八十一卒所著有三教
同源心學指南格言纂等書從弟鶴字元效號放亭泰順
司訓孝宏子工書畫嘗游京師偶有蓄積即以恤守節妹
及族子之貧者

論曰儒釋之徒語錄盈天下類不欲觀以其沿襲口耳
靜言庸違也若公之著述所謂先行其言而後從之者
歟有友避讎莫夜來投止而飲食之詰朝辭去其讎指

公名詐諸令公一生不入公門遽起詣案脩備陳來去
跡甚明令捉筆勾釋後數遇詐者若無前事蓋不念舊
惡若此輕財好義又無待言矣

何陸愷

何陸愷字公求一字游八號介石幼穎敏舉止不凡崇禎
十六年以太倉州籍補郡諸生壻于許有奩田百畝外父
重紀歿後遺孤亦痘殤其族眾析產產盡而未饜公以奩
田剖與之眾大喜過望謝去又當兵燹白腰賊徧湖審幾
應變得保全外氏門戶既而卜居奉父日初爾昇先意承
志念父年漸高而祖父母尚在淺土竭愛任葬事順治十

一年兄訥領鄉薦公僅得副榜明年兄成進士授太原司理日初曾往署中旋歸安于公之養也日初沒凡斷簡殘編寸絲尺布總置弗取云此吾兄通籍後所辦皆吾兄物耳復樂善好施從祖兄昌平撫謙暴骨二十年為捐金營葬族子力不能娶者資之而不責償嚴氏子貧無殮則賻以苧布數十馬遭挂誤杜門著述書法亦稱于世康熙三十五年卒年七十

論曰公年四十時日初翁書其文于扇頭以畀公有可謂孝介之語而鄉黨後學亦相與稱公為孝介先生歎知子莫若父也嗚呼介已難孝尤難乃兩字之褒人無

間言如此又何羨乎富貴利達者哉

徐履忱

徐履忱字孚若號瓠叟崇禎十六年補諸生順治初依其舅顧亭林避兵尚湖之許探架上書得漢魏六朝人文集晨夕吟誦聲出于漁汀樵舍間弱冠館葑溪喜為古詩樂府亭林謂樂府自漢人後聲詞合寫宮商清濯多失其傳摹倣杜撰兩無是處公遂盡焚舊稿偕同學十數十結詩社互相挾摘酒闌燭跋每至達曙北渡江淮過中都游汴梁毫潁之墟南渡錢唐抵閩粵境遇讀書稽古者上下其說兼搜山水古蹟及碑碣而題識焉康熙八年入成均有

崑山人物傳
三
耕讀草堂之刻先文敏叙之其後往來齊魯燕趙間在京
師又歷西山碧雲玉泉諸勝紀游遣興詩益富矣二十八
年合刻平生作凡十五卷曰詩鈔三十九年卒太倉許九
日謂公之詩六十以前命意奇特有不可一世之概六十
以後高情化蒼勁節化渾也

論曰公稚壯衰老專意為詩者五十餘年猶自惜其不
能從亭林游秦晉縱觀山川形勝以肆力于著作焉詩
之難言如此乃世之爭唐爭宋自詡作者何其囂囂也
工為形似之言而不取性情之真其果足傳于後乎哉

朱晨

朱晨字孝升號邵菴衢州司理顯宗子也幼沈靜無他嗜
惟耽經史每摘錄古訓自省司理嘗訓導丹陽公從補其
邑諸生崇禎十七年移歸崑庠復隨司理赴衢桑海間奉
母葉避于衢之南鄉聞司理遭難冒險尋訪瀕行誓云不
見父不生還也至舜山與父遇父命入城探有崑山信否
適從兄昱子身至公又與遇時各困悴顏色變異彼此不
相識者久之乃相持而泣仲語云伯兄殉難矣三四兩叔
父暨四弟同殉矣公聞大慟偕往南鄉省母悲啼之餘轉
惻母云忠死毋憾伯兄者名晟諸生其兩叔父一名維宗
禮部冠帶儒士一名耀宗諸生四弟者亦公之兄幼撫于

維宗者也司理既歸絕意當世公鍵戶食貧安義命不殖
生產見戚友孤弱受侮者奮不顧身任勞怨若啜飴康熙
四年母下世公哀慟遂不起年四十四

張對揚

張對揚字盈水贈太常卿伯任棟孫薛昌幼文子也食餼
郡庠曾舉孝行遭母喪哀毀骨立甫小祥驟卒公沾濡家
學多吟咏和花信情云連朝聽雨暗傷春憶得迢迢洛浦
神草怨天涯立馬客月窺簾幙倚樓人淒琴欲散林間雨
苦調低飛梁上塵窗外梅花開幾朵一回閒笑一回顰濡
毛染卷只探花拂檻東風看露華萬種妖嬈空着意一枝

婀娜最堪誇人間自有絲牽幙^幕天上何須月泛槎閒倚玉
樓渾似醉莫將離恨付天涯

論日記有云毀不滅性夫豈不知者而歷久孺慕忽焉
失其母一時之深痛不容自抑以至于此後之人或稱
其純孝或訾其過禮皆所不及計矣嗚呼修短定數兩
公之死偶不幸耳世之居喪不哀且毀者何限遂能無
死乎哉拘儒之說固不可以律至性之士也陳鄉貢瑚
傳張光甫元燦亦謂卒于毀更歷叙其生平之孝且介
鄉貢決非妄譽人乃徵諸鬻冊不甚合姑舍之

龔齊物

龔齊物初名齊白字稚仙高祖天然鄉貢官裕州知州曾
祖世麟湖廣按察司經歷祖授書父光宙公以常熟籍補
郡諸生楊忠文廷樞稱其文警敏沈摯朱節孝亦厚期之
順治初擢第一授龔生平誨人不倦見有一德即與引伸
無盡故門下多令器而聞馳驚奔競者則哂然云第靜俟
天命安見人之必我先也郭侯季試王撫憲觀風皆冠軍
屢邀相見終不往其耿介如此十八年需次得貢病不及
試而卒年四十九

論曰公善飲酒醉後多微笑與物無忤蓋長者獨疾急
時家人或勸止呶唔輒恚矣謂文章與性命為存沒囑

子嘉績必以一生所著制執悉納棺中言畢遂絕異哉

王 洄

王洄字宛仲號績水鄉貢與游志慶子也有至性事伯父
平仲志長甚謹善讀書能以文章通世故識精而才敏遇
事無大小皆洞悉晰機宜又辯于口所言能達其意至治
生術亦勤而不煩儉而中禮崇禎間補太倉州諸生十五
年荒旱鑿願豐井于望山橋北民頗賴之乙酉後養高自
適偕弟滑註庾開府哀江南賦歸恒軒莊稱其考証詳核
徵引該洽又與盛侍御符升丘中翰鍾仁先徵君奕苞輩
續修邑志表章散佚每遇佳辰令節吊古賦詩得逸老之

趣焉

論曰嘗讀公省齋筆記多閱歷自得之語其叙國難圍城姓名有曹氏本所未載者而感慨聖安事則云始謂光武而有餘既也晉元而不足直可作史斷矣又聞公外孫顧仁珪述公語云振吾宗者必醇叔非汝長舅所及時公子緝基已領鄉薦而雙清先生尚為諸生後果驗蓋知人之明如此

周同谷

周同谷字瀚西號鶴暉又號嶰篁五菴爾長子也其先世居海虞遷崑者七葉公自署必以故籍如鄭平橋之稱開

封焉生平負用世志竟不遂所著述曰松廬集不腐有可行者詩亦清老不庸俗其言道多託神仙家言以自喜一日眾集知止山房雄談公自行自止于人言弗屑遠公顧而嘻曰先生知乎公未及應遠公即咄云先生鈍矣公整容云不意今日遇君後每向人言得一死生交已已秋病卒葬東山之麓

論曰黃蘄州嘗謂註杜者但見以史証詩未聞以詩補史之闕雖曰詩史史固無藉乎詩也迨夫流極之運東觀蘭臺但記事功而天地之所以不毀名教之所以僅存者多在亡國之人物血心流注朝露同晞史于是而

亡矣猶幸野制遙傳苦語難銷此耿耿者明滅於爛紙
昏墨之餘九原可作地起泥香庸詎知史亡而後詩作
乎顧藜州所見如石齋次野芥子霞丹希聲蒼水密之
諸家皆係舊臣從亡抒其危苦分所應爾公則伏處衡
茅未膺一命即謂幼撫於史忠靖何至霜猿四卷淒楚
蘊結如此公有句云杜陵遺老愁無賴詩史經營不暫
閒夫固自命焉矣

陳仲達

陳仲達字升之居淞南佃僮員大志言笑不苟步履進退
皆有常度乙酉思文聞公名授職銜招之公慨然就道條

陳數事動中機宜丙戌八月後歸隱卜居古梅花地教授
後學多所成就自號三避老人曾有句云一眠不覺即為
死一死不生到底眠悟得此中真个理掃除煩惱是神仙
丁卯卒年八十三

論曰思文託於鄭氏遂為所制雖心膂之臣如漳海黃
忠烈輩有諸葛才竟束縛手足不獲一展何況公哉天
命既定懷奇沒齒亦庶幾報故主耳聞公每戒子弟謂
人之于世猶器焉不可少有虧損即修補之已非完器
固卓然醇儒言也

朱翼垣

朱翼垣字玄生號蒼雨先世自徽州武鄉遷杭之草橋門
又遷吳江太湖濱所可知者曰敬餘曰洪川洪川生文隆
暹暹生信之潮潮長子素菴子靜即相國文靖公父也次
子惺菴惺如惺如生來丹天鳳天鳳生公當文靖之全家
入閩來丹挈公從年僅十四文靖親教公誦讀來丹領隆
武鄉薦授官禮部儀制司及入粵寓廣西江州而公則隨
文靖佐理筆札參酌章疏務近人情得大體文靖愛重之
壬辰文靖薨西板村儀部視喪畢返江州特授貴陽督學
會滇南兵變試事未竣歸而疾作公竭力侍奉既遭大故
哀痛迫切深慮遷處無常難停喪適有善相地者指示吉

土遂卜葬葬畢仍往西板服闋以明經考授詹事府錄事
與西版主人儂南田甚相得南田命其子鵬從學於公他
所友者又有高光祿勳李詞垣來張都憲起將揚將軍祥
皆高明磊落人也壬寅四月公與文靖配沈夫人決歸崑
計乃留一幹僕供學使墓祭掃而身奉文靖柩以行度川
越陸支給路費良苦比至家見母徐痛絕蓋一十九年遠
遊離母七千里生還無父固備極難堪之境矣沈夫人謂
公荷重肩鉅析遺產相勞公力辭擔囊裏糧重至江州省
墓兼訪舊西版南田父子誼至篤款曲道故片刻不舍別
時出千金為贈鵬泣涕隨行千里外始別公歸既無聊則

就幕得修脯廉入義出己已卒於鳩茲竟無餘蓄也

論曰公性介能卻沈夫人與詎不能卻儂南田饋哉吾友雪鴻朱文作公墓誌嘗斷之矣沈夫人之與酬功也骨肉間居功得祿君子所必不為若夫南田之饋友誼也受之適以大其德耳合觀公於辭受間固知道者矣

孫勝鼎

孫勝鼎字玉鉉原籍歙人有膂力任俠負氣明熹宗時挾重貲客遊楚中有二解庫在穀城縣崇禎十年張獻忠羅汝才就能文燦撫屯穀城公知二賊詐必且復肆殺掠乃散所有以活飢民明年二賊果叛公遷延途次為賊所獲

賊有妾豔而淫欲與亂公夜遁去復獲則碎公兩耳為誌復遁如是十餘次卒脫有表戚周姓官襄府公往依之周引見王王與語有遠識欲薦用公力辭顧嘗告王襄陽為全楚扼要地諸賊爭思割據一二封疆之臣旦夕倥偬非不戒嚴而訓練士卒儲蓄糗糧未聞善法將來進不可戰退不可守勢必拱手而授王能安枕乎王笑謝而已越五日賊偵襄陽無備計賺入城縛王殺之焚燒宮室或語公何料事切中乃爾公云此亦暫時計天運既去即保一隅惡能久也子身謀歸死尸積路如邱山晝偃伏其中夜匍匐前進抵里則存荒後土寇作亂家業已廢收拾餘燼至

崑山人物傳
不能有中人之產順治二年挈家來居崑山喜飲酒一石
不醉揮金如土遇貧無告者輒傾囊相畀嘗自為像贊云
有殺人手無殺人心般般放下不濫不淫鬼見我笑賊見
我擒天翻地覆活到如今有酒且斟有曲且吟身非我有
何用黃金康熙廿九年二月十四日沐浴衣冠端坐逝異
香三日不散鄰人又言其家有火光燭天也

論曰世德下衰富貴之家與貧賤之人如秦越視肥瘠
雖號呼震動不經其懷道殛流亡不慘于目以至弱者
填于溝壑強者取人於萑蒲之澤誰之咎歟公以一布
衣居心長厚扶危濟困排難解紛先富後貧怡然自得

也聞公生平未嘗事佛而善逝頗似往生者積行所致
豈偶然哉先是有張素菴義者自言汴人或云北直人
性倜儻有奇略好談關塞事居馬鞍山左曲拱辰門下
環堵蕭然顧見義必為出貲設義塾於景德寺中延陶
仁節琰為師里中貧而有志者率子弟就館凡脩脯之
儀及生徒饗殮茗無不周至既而以兵亂塾廢鬱鬱
死葬北門外黃滄涇

朱名佐

朱名佐字允恭羈州喪母楊孑孑伶仃艱苦備嘗而能痛
自淬勵貿遷遊學身無寧晷或不自得中夜閉影飲泣不

使父敬梅知也父膳隱察顏色少不懌即市他珍進待父
妾袁如母終身弗替撫庶弟妹婚嫁皆盡其心妹壻華亭
陸姓以遭兵燹子身來崑為授宅分困兼勤訓課冀其成
立親族有貧不能婚葬者竭力仗助鄰里亦然康熙四十
一年舉鄉飲賓四十八年冬無疾忽召子孫環侍盥洗端
坐而逝年八十七

論曰朱氏始自通甫與馮子雲何思齊同壻于世醫劉
國英盡得其術馮早死妻子衣食悉主通甫不煩子雲
凡十餘年國英沒三分遺產計通甫育孤功獨得十之
四通甫二子廷玉時中時中亦二子英貴英舍醫業為

賈所居貨雖價踊無膺物物故競售去連遭鬱攸之變
門戶弗墜有四子璿璣瑄瑄學於鄭平橋諸名流推
重為斯文會予嘗見葛氏所藏圖咏肅然起敬也數傳
而得公敦本盡倫克紹前徽但僻處淞南鮮名流酬酢
耳然猶足見其恬退遠聲勢矣公族祖某貲巨萬沒無
嗣人爭覬覦公獨不取寸箸支鶴飲志公墓謂是嚴析
義理強毅有守者信乎

王成周

王成周字維豐白田人父鳳翔燭慶乙酉嬰城戰死公為
兵所獲擁見渠帥偉其貌得釋俾主軍中文書公大書歸

順等字百千紙散給遠近使粘於背所全活甚眾旋以計
脫走間行三日夜達故里時積骸撐拄仰天號慟求得父
尸葬于戈溪五保祖塋之次歲時伏臘追念疇昔涕泗交
頤終身孺慕有如一日也伯父道明為怨家所殺力為復
仇抵罪道明有孫女收養嫁之與弟成易同爨三十年弟
沒撫從子代理家政數年倍弟所遺乃授焉平生沈深多
大畧順治十六年海氛不靖李光祿白春授偽劄有持之
者李髦不知所為盡室相對泣公力主議自首得白又有
友人罹訟當事與雲間紳吳某善公為營救約以千金壽
吳會當事賄敗吳挾金逸去公乃至雲間介吳之客求見

云前金不足計今有某事又可得金若干吳喜倒屣出延
至密室寒暄未畢公正色誚讓吳愕然欲入公直前扼其
吭適有巨硯遽引之欲擊其首吳戰慄謝罪立命出金遂
持還友不私一錢蓋權奇倜儻如此晚卜居甫里東顏其
室曰灌稼閣精修出世間法卒年七十

論曰戈溪王氏顯自希永樂九年鄉貢官兵科給事中
希生綱綱生珍珍生寧寧生輅輅生韜韜生都念其鄉
多沮洳蘆葦困于賦獨叩閣下部議得蠲數百畝里人
德之都生世禮則公大父也公臨事果決智勇輻輳詎
減都哉惜不獲用于時大展懷抱僅稱布衣之俠然散

紙一事隱德亦非細矣

呂天裕

呂天裕字日甫號暘谷父輔如懷德艾年舉公六歲即見背母李辟纒度日不足供兩人食命公就食於叔父懷仁懷仁不可乃往依圓聚山房僧僧延師訓之至十五歲有客僧自少林來善相頗奇公授兵書一卷為晉江隱士趙本學所著并殺擊刺之法已而母病公辭圓聚歸侍養母沒公傭書富室徹夜誦讀通經濟與朱節孝集璜陶仁節琰相友善曾疏九州方畧并邑中利弊上諸陳令祖苞陳大驚異為公援例入成均乙酉糾鄉兵守城城潰被俘

公鐵面虬髯諳北方語給帥云家世遼陽後徙都下作客至此帥信問公能武執否公應曰能接雙刀運動如飛雪全軍目眩帥喜欲用公公請至都稟父母而職_受職渡江公乘間逸忽遇前少林僧復授公玄門秘旨一卷神醫案一卷弘景方一卷張仲景溫熱病全書二卷皆秘本公歸遂以岐黃術行世日之所進可供月之所需顧不屑屑生產惟周貧濟困為務懷仁嗣絕其女亦無子止一女公云叔父昔雖不我遇從妹可閔也月給脫粟而嫁女甥於朱氏尤恒情所難者每日飲饌輒與賓朋俱無客則不樂年七十一自知時至沐浴趺坐而逝

論曰公員才力足乘時以成功名乃為薛方之說對管
寧之邀跡猶自謂舍生取義有愧朱陶也悲夫彼少林
僧蓋知公志矣前後授書異用幾于冰炭誠善相士者
歟

論曰公負才力足乘時以成功名乃為許方之說對營
寧之遊跡猶自謂舍生取義有愧朱陶也悲夫彼少林
僧蓋知公志矣前後授書其用幾于冰炭誠善相士者
歟



